



**TOSHKENT DAVLAT YURIDIK UNIVERSITETI REKTORINING
BUYRUG‘I**

13.04.2022 yil

82 um-son

**Toshkent davlat yuridik universiteti talabalariga
qo‘shimcha shart-sharoitlar yaratish hamda ularning
faolligini qo‘llab-quvvatlash to‘g‘risida**

O‘zbekiston Respublikasi Prezidentining 2020-yil 29-apreldagi “O‘zbekiston Respublikasida yuridik ta’lim va fanni tubdan takomillashtirish bo‘yicha qo‘shimcha chora-tadbirlar to‘g‘risida”gi PF-5987-son hamda 2021-yil 9-fevraldagi “O‘zbekiston Respublikasida ichki va ziyorat turizmini yanada rivojlantirish chora-tadbirlari to‘g‘risida”gi PF-6165-son Farmonlarida hamda Toshkent davlat yuridik universiteti Kuzatuv kengashining 2022-yil 17-fevraldagi 1-son majlis bayoni bilan tasdiqlangan Yo‘l xaritada belgilangan vazifalar ijrosini ta’minlash, davlatimiz rahbari tomonidan ilgari surilgan beshta muhim tashabbusni talabalarning harakat dasturiga aylantirish, ularning bo‘sh vaqtlarini mazmunli tashkil etish, iqtidor va intilishlarini qo‘llab-quvvatlash, tanlagan kasblariga bo‘lgan muhabbatni yanada oshirish maqsadida

BUYURAMAN:

1. Toshkent davlat yuridik universiteti (bundan buyon matnda – universitet)ning bir guruh faol talabalari, klub va loyihalarning koordinatorlari tomonidan universitetni brendlashtirish, universitet belgisi tushurilgan futbolka, keпка, bloknot va ruchkalarni chop ettirish, “Discovery” klubi doirasida

talabalarni jamoaviy tarixiy shaharlar, muqaddas qadamjolar va tabiat qo'yniga tashriflarini tashkil etish hamda huquqshunoslik sohasidagi muataxassislar bilan doimiy uchrashuvlarni tashkil etish borasida takliflariga rozilik berilsin.

2. Quyidagilar:

“Discovery” klubi doirasida talabalarni jamoaviy tarixiy shaharlar, muqaddas qadamjolar va tabiat qo'yniga tashriflarini tashkil etish reja-jadvali 1-ilovaga;

Talabalarda tanlagan kasblariga bo'lgan muhabbatni yanada oshirish maqsadida huquqshunoslik sohasidagi mutaxassislar bilan doimiy uchrashuvlarni tashkil etish reja-grafigi 2-ilovaga muvofiq tasdiqlansin.

3. Belgilab qo'yilsin:

“Discovery” klubi doirasida talabalarni jamoaviy tarixiy shaharlar, muqaddas qadamjolar va tabiat qo'yniga tashriflarini tashkil etishda ularning faqat yo'l xarajatlari universitet hisobidan, qolgan xarajatlari (ovqatlanish, binolarga kirish hamda mehmonxona xarajatlari) o'z hisoblaridan qoplanadi;

talabalarda universitetga bo'lgan muhabbatni yanada oshirish, universitetni brendlashtirish va uning nufuzini keng targ'ib qilish maqsadida tayyorlanadigan, universitet belgisi tushurilgan futbolka, kepka, bloknot, ruchka va bakal jamlanmalari birinchi navbatda klub va loyihalaning koordinatori bo'lgan faol talabalarga, mehmonlarni kutib olishga jalb qilingan talabalarga, xalqaro va milliy tanlovlarda ishtirok etayotgan talabalarga taqdim etiladi.

4. Prorektor A.Xashimhonov:

“Discovery” klubi doirasida talabalarni jamoaviy tarixiy shaharlar, muqaddas qadamjolar va tabiat qo'yniga tashriflarini tashkil etishda texnika-xavfsizligi qoidalarini talabalarga atroflicha tushuntirib, unga amal qilinishini nazoratga olsin;

sayohat vaqtida talabalarning har 10 tasiga 1 ta mas'ul belgilash choralari ko'rsin;

sayohatga olib boriladigan talabalarni tanlab olishda ochiq va shaffof mexanizmni tayyorlash, bunda navbatma-navbat

barcha faol talabalarni qamrab olish choralarini ko'rsin;

ro'yxatni shakllantirishda ijtimoiy faol va ijtimoiy himoyaga muhtoj talabalarni birinchi navbatda qamrab olinishini nazoratga olsin;

talabalar bilan huquqshunoslik sohasidagi mutaxassislar bilan o'tkaziladigan uchrashuvlarni qiziqarli hamda talabalarga manfaatli tarzda tashkil etish choralarini ko'rsin;

universitetda iqtidorli talabalar sonini oshirish, ularni iqtidor va istedodlarini namoyon etishlari uchun keng imkoniyat yaratish, universitetni talabalarning sevimli maskaniga aylantirishga qaratilgan loyihalarni amalga oshirish hamda sog'lom ma'naviy va do'stona muhitni yaratishga alohida e'tibor qaratsin.

5. Prorektor A.Iminov:

20 kun muddatda universitet belgisi tushurilgan futbolka, kepka, bloknot, ruchka va bakal jamlanmalaridan 500 dona tayyorlash choralarini ko'rsin;

"Discovery" klubi doirasida universitet faol talabalari va xodimlarining ziyorat qilishlari va tabiat qo'ynida dam olishlarini tashkil etish maqsadida tegishli turistlarga xizmat qiluvchi tashkilotlar bilan shartnomalarni belgilangan muddatlarda tuzish choralarini ko'rsin va bunda tashrif buyuruvchilarning faqat yo'l xarajatlarini universitet hisobidan qoplab berishni nazarda tutsin;

yuqorida ko'rsatilgan vazifalarni amalga oshirish bilan bog'liq xarajatlarni universitetning byudjetdan tashqari mablag'lari hisobidan qoplanishini nazoratga olsin.

6. Ma'naviyat va ma'rifat markazi (Sh.Po'lotov) hamda fakultet dekanlari:

mazkur buyruq mazmun-mohiyatini talabalar orasida keng targ'ib qilsin;

talabalar bilan muntazam uchrashuvlar va suhbatlar tashkil etish, turli so'rovnomalar o'tkazish orqali talabalarning iqtidorlarini aniqlash va shu yo'nalishga mas'ul tarkibiy bo'linmalar yoki klublarga yo'naltirish, ularning ijtimoiy

loyihalarini qo'llab-quvvatlash choralarini ko'rsin;

Jamoatchilik axborot xizmati markazi (J.Xaydarov) bilan birgalikda talabalarning ijtimoiy hayoti va faolligini namoyon etuvchi roliklar va ko'rsatuvlar tayyorlab uni ommalashtirish hamda mazkur buyruqqa muvofiq talabalarning sayohatlarini tashkil etish va huquqshunoslik sohasidagi mutaxassislar bilan o'tkaziladigan uchrashuvlarni ijtimoiy tarmoqlar orqali e'lon qilish choralarini ko'rsin;

7. Mazkur buyruq ijrosi nazoratini prorektorlar A. Xashimhonov hamda A.Iminovlar zimmasiga yuklatilsin.

Rektor



A.TASHKULOV

Toshkent shahar

Kiritildi:

Direktor

SH.PO'LOTOV



Kelishildi:

Bosh buxgalter

M.PARPIYEV



Moliya-iqtisod ishlar bo'yicha
prorektor

A.IMINOV



Devonxona mudiri

X.ABDULLAYEV



YOshlar masalalari va ma'naviy-
ma'rifiy ishlar bo'yicha prorektor

A.XASHIMHONOV



Katta yuriskonsult

E.XOSILOV



Buyruq bilan tanishdim:

SH.PO'LOTOV



“Discovery” klubi doirasida talabalarni jamoaviy tarixiy shaharlar, muqaddas qadamjolar va tabiat qo‘yniga tashriflarini tashkil etish reja-jadvali

T/r	Tashrif manzili	Tashrif buyurish sanasi	Tashrif buyuruvchilar	Tashrif buyuruvchilar soni	Mas’ul
1.	Samarqand viloyatidagi tarixiy maskanlar hamda muqaddas qadamjolarga tashrif buyurish.	2022-yil 16-17-aprel kunlari	Ommaviy huquq fakulteti	50 nafar	Sh.Po‘lotov, fakultet dekanlari
			Jinoiy odil sudlov fakulteti	55 nafar	
			Xususiyl huquq fakulteti	55 nafar	
			Xalqaro huquq va qiyosiy huquqshunoslik fakulteti	50 nafar	
			Magistratura va sirtqi ta’lim fakulteti	50 nafar	
2.	Buxoro viloyatidagi tarixiy maskanlar hamda muqaddas qadamjolarga tashrif buyurish.	2022-yil 22-24-aprel kunlari	Faol talaba va xodimlar	110 nafar	Sh.Po‘lotov, Sh.Hamroqulov, fakultet dekanlari
3.	Toshkent viloyatidagi Zangi ota ziyoratgohiga tashrif buyurish.	2022-yil 23-24-aprel kunlari	Talabalar turar joyiga istiqomat qiladigan talabalar	90 nafar	Sh.Po‘lotov, N.Shayzakov
4.	Toshkent viloyati Parkent tumanidagi tabiat qo‘yni (piknik)ga tashrif tashkil etish.	2022-yil 7-may	Klub va loyiha koordinatorlari	50 nafar	Sh.Po‘lotov, fakultet dekanlari
5.	Toshkent viloyati Chatqol biosfera qo‘riqxonasiiga tashrif tashkil etish	2022-yil 21-may	Faol talabalar	50 nafar	Sh.Po‘lotov, fakultet dekanlari

**Talabalarda tanlagan kasblariga bo'lgan muhabbatni yanada oshirish maqsadida huquqshunoslik sohasidagi
mutaxassislar bilan doimiy uchrashuvlarni tashkil etish
REJA-GRAFIGI**

T/r	Taklif etiladigan mexmonlar	Tadbir o'tkazish tartibi	O'tkazilish sanasi va joyi	Mas'ullar
1.	Saidov Akmal Xolmatovich – O'zbekiston Respublikasi Oliy majlisi Qonunchilik palatasi spikerining birinchi o'rinbosari, Inson huquqlari bo'yicha milliy markazi direktori	1. Uchrashuv yuzasidan talabalarga e'lon berish. 2. Ishtirokchilar ro'yxatini shakllantirish. 3. Uchrashuvni yuqori saviyada tashkil etish. 4. Uchrashuvda talabalar tomonidan bildirilgan takliflar va fikr-mulohazalar yuzasidan aniq vazifalarni belgilash.	2022-yil 16-aprel Katta majlislar zali	I.Rustambekov, D.Umarxanova , fakultet dekanlari
2.	Abdusalomov Mirza-Ulug'bek Elchiyevich – O'zbekiston Respublikasi Konstitutsiyaviy sud raisi	1. Uchrashuv yuzasidan talabalarga e'lon berish. 2. Ishtirokchilar ro'yxatini shakllantirish. 3. Uchrashuvni yuqori saviyada tashkil etish. 4. Uchrashuvda talabalar tomonidan bildirilgan takliflar va fikr-mulohazalar yuzasidan aniq vazifalarni belgilash.	2022-yil 22-aprel Katta majlislar zali	Sh.Po'lotov , S.Abduxafizov, fakultet dekanlari
3.	Yo'ldoshev Nig'matilla To'liqinovich – O'zbekiston Respublikasi Bosh prokurori	1. Uchrashuv yuzasidan talabalarga e'lon berish. 2. Ishtirokchilar ro'yxatini shakllantirish. 3. Uchrashuvni yuqori saviyada tashkil etish. 4. Uchrashuvda talabalar tomonidan bildirilgan takliflar va fikr-mulohazalar yuzasidan aniq vazifalarni belgilash.	2022-yil 29-aprel Katta majlislar zali	Sh.Po'lotov , S.Abduxafizov, fakultet dekanlari
4.	Davletov Ruslanbek Quroltayevich – O'zbekiston Respublikasi Adliya vaziri	1. Uchrashuv yuzasidan talabalarga e'lon berish. 2. Ishtirokchilar ro'yxatini shakllantirish. 3. Uchrashuvni yuqori saviyada tashkil etish. 4. Uchrashuvda talabalar tomonidan bildirilgan takliflar va fikr-mulohazalar yuzasidan aniq vazifalarni belgilash.	2022-yil 6-may Katta majlislar zali	Sh.Po'lotov , S.Abduxafizov, fakultet dekanlari

5.	Komilov Kozimjon Fozilovich – O‘zbekiston Respublikasi Oliy sud raisi	1. Uchrashuv yuzasidan talabalarga e’lon berish. 2. Ishtirokchilar ro‘yxatini shakllantirish. 3. Uchrashuvni yuqori saviyada tashkil etish. 4. Uchrashuvda talabalar tomonidan bildirilgan takliflar va fikr-mulohazalar yuzasidan aniq vazifalarni belgilash.	2022-yil 13-may Katta majlislar zali	Sh.Po‘lotov, S.Abduxafizov, fakultet dekanlari
----	---------------------------------------------------------------------------------	-------------------------------------------------------------------------------------------------------------------------------------------------------------------------------------------------------------------------------------------------------------------------	------------------------------------------------	-------------------------------------------------------------